

2 PETRO

Ọko Nyọare Gọ i Petro Ọtsere

¹ Mme Simon Petro gọ nde Yesu Kristo ọdabo gu katōmesedze lotsere ọko gogbe nto lotā mma ọdudu iki i Ҁaa gu bo Ɖidze Yesu Kristo sibololo ame ne, maba kafokade ga lofo kuya le bo kare.

² Ҁaa si ọtā sọ mi abualera gu mi isobue si isi ibua gọ mito mitsue wū gu Yesu gọ nde Bosate.

Miya Teteree I Ҁaa Ikpere Ame

³ Ҁaa ọki i ֆ mọmọ ọle ame ọsu ara wa ọdudu lonya bo i ngbā megbe ame ọtā bo sọ boase ngbā me lokote le mafodede. Ọbara ngbo alaso boye ֆ gọ lokpere bo sọ boba boana kadekֆ i ֆ ikpawai gu ֆ isee ibara ame. ⁴ Fie iki i ara wagbe iso ne, ọtā bo karatā ga ọye ọse fie kafо kuya sọ boaki i kā iso ne, boana ֆ kumiamia boabore i ara nyanyarīa wa nse akpē kayiiso maturi okā fie iawora ma ame. ⁵ Nnegbe ọso ne, mipia kube sọ miasu isee ibara mibua i mi kafokade iso, misu inogba mibua i mi isee ibara iso. ⁶ Si misu idesoiso mibua i mi inogba iso, misu kanonyi mibua i idesoiso iso, si misu Ҁaa kunigā mibua i kanonyi iso. ⁷ Misu mafodede kudọe mibua i Ҁaa kunigā iso si ka misu kudọe mibua i mi mafodede kudọe iso. ⁸ Alaso si miba ara wagbe fie asi gbodzoo i mi ame ne, iatā sọ mi kurabarara ame aakpa, mito miaye misia i Bosate Yesu Kristo itsue ame. ⁹ Mma nna ara wagbe ne, maisе

manya dzoroo, fie maɔɔara kɔra sɔ ʎaa ɔɔfore ma akpi wa mabara mafegu ɔɔi ma iso.

¹⁰ Ne ɔso manyii, mipia kube teteree idɔ ɔwiɔ misu misia mi ikpere ne i ʎaa ɔkperɛ mi ita. Alaso si mibara ngbɔ ne, miibakpese kama minya i kafɔkaɔɔe ame minya. ¹¹ Si mibara ngbɔ ne, mito miana ɔri mibo i Bosate gu Ɖidze Yesu Kristo sigarakadɛkɔ dze nna katui ame.

¹² Atoa sɔ ka miɔe ara wagbe koko fie miɔre sidu i mi kafɔkaɔɔe ga mifɔ ame ana ne, ikote sɔ loanyigira mi ɔwi biara. ¹³ Lonyɔ sɔ ikote sɔ loala loɔnyigira mi ara wagbe ayi kumegɔ losi ngbã. ¹⁴ Loye sɔ iisibadzoro fie loaɔi sosina dze nse sikpi ngbe losɛ le kumegɔ i Bosate Yesu Kristo ɔɔere me ɔɔi. ¹⁵ Nnɛgbe ɔso fie loto lobie sɔ loanyɔ sɔ i wũ kukpi kama ne, miala miɔnyigi ara wagbe ɔwi biara.

Bonya Bosate Yesu Ikpawã Ku Bo Anɔ.

¹⁶ Itɔme ne boɔere mi i Bosate Yesu Kristo iledza iba ku ɔle iso ne, iide inatika ne i ɔturi ɔɔe i inɔgba ame ide boɔi ne bobɔreɔgu. Bo mɔmɔ lonya ã kuware gu ã ɔle ku anɔ fie boɔere mi. ¹⁷ Bopia i mmɔ ku iyi nɛmɔ fie Bo Ɖse ʎaa ɔsu kuware gu ifie ɔtã wũ. Silɔ ɔbɔre i Ɖlesate kɔre sitã wũ sɔ, “Wũ Ɖbi ɔɔese i ngbe ne, ã ara ɔbo me anɔ.” ¹⁸ Bo mɔmɔ lonɔ silɔ dzɛgbe ɔbɔre i kato ku ɔwi gɔ bopia i Yesu kɔre i kube sekelea iso.

¹⁹ Nnɛgbe ɔso bofɔ kanyamaɔidze kayɛkase boɔe teteree ne. Mipia kube si mimɔɛ kayɛkase gamɔ mila le ɔkanie gɔ nto ɔfie i idududu ame gbɔgbɔɔgbɔ ɔɔeserã aaxo fie ɔɔeserã iwãmi aafie

i mi situ ame. ²⁰ Ira ne lonya idɔ fie ikote sɔ miatsue nde sɔ, kuwẽ iibawo ɔta i ɔ̃ ɔle iso ɔɔi kayekase ga matsere mase karɔ̃. ²¹ Alaso kuwẽ iixe Yaa kayekase i ɔ̃ mɔmɔ ɔle ame ɔxe itɔme ɔse ɔnya, xee Siwarã Bielea lotã maturi ɔle fie maye nne lobɔre i Yaa kɔre mase.

2

Petro Oka Mafɔɔedze I Mila Maratedze Iso.

¹ Le kumegɔ i mila kanyamadɔdze ɔwe ku ɔwi gɔ lofe ame ne, ngbɔ ame i mila maratedze ana to maabɔre i mi ndẽ ne. Mato maabɔ mila ara ite wa loawɔra maturi, masẽ ta Bosate gɔ loɔi ma gɔ iaki i ne iso ne, maawɔra so mala. ² Maturi gbodzoo to maasiai ma ara nyanyarã ibara itã sɔ ne ɔso ne, maturi aaxe anyakpi i Kristo kafɔkaɔe iso. ³ Gɔ maɔe mma nse makeke ano ɔso ne, mato maasu mila atɔme mana kusia i mi iso. Yaa ɔtã ma ipɔ ɔse koko, fie ɔɔledza so ɔtã ma iwɔra.

⁴ Yaa iinyɔ ɔ̃ makpabo ma lobara ikpi nnya, xee ɔnyi ma ɔfuɔɔza ɔpia i itokpe ne loise inyi ame, i iwo gudua ame ɔse ɔtã iyi ne ɔaxe gu ma atɔme. ⁵ Ngbɔ ame i Yaa iinyɔ mma lose ngbã ku Noa ɔwi fie maise manigã wũ nnya ne. ɔtã ndu ɔyi miwɔra ma. Noa gɔ lope sibɔlɔlɔ imomo gu maturi ikɔdze mama pe lona idɔ.

⁶ Fie Sodom gu Gomora simagẽ ana ne, Yaa ɔtã ma ipɔ gɔ ɔwɔra ma ku ala ɔto si ɔsu ɔte mma loase ngbã fie maibusu kunigã matã Yaa. ⁷ Yaa ɔɔi Lot gɔ nde ɔturi bɔlɔlɔa fie ara nyanyarã wa i mamɔ to mabara ɔbie wũ ɔtu. ⁸ ɔturi bɔlɔlɔa gɔgbe ɔse i ma ndẽ fie iyi biara ne, ɔla ɔɔno fie

ola ñonya ma ara lalaa ibara ne nse ibie wũ otu. ⁹ Ne oso Ƴaa xe kumegɔ ñadi maturi bɔlɔlɔa i ma amɔrẽ ame fie ñamɔẽ malalaa opia i kutsue ikpadzẽ ame ose otã atõme iyeyi.

¹⁰ Titirio mma nse makã ara wa nse akpẽ ma sosina okã fie maisɛ maware Ƴaa ɔle gɔ nto ɔɔe ma iso. Mila maratedze magbe ba otu maisɛ manigã si mato matia ta sile sekelea dze mpia i kato. ¹¹ Ƴee ta Ƴaa makpabo ma mba ɔle fie makɔle maɔo mila maratedze magbe ne, maisɛ maya i Ƴaa katõ matia sile sekelea dzegbe. ¹² Ƴee maturi magbe se mabara ara le ipo ame mabɔi ma loiye ara fie maawo ma omɔẽ ɔɔoe. Mase maye anyakpi i ara wa maino karõ iso fie Ƴaa to ñawora ma le ipo ame mabɔi awe.

¹³ Ƴaa to ñatã mawe inye i ɔxiã gɔ mate maturi kanya. Kunuare iise kukpẽ ma so maabara ara wa loawe ma sosina omɛrẽ ku anowã. Mase mabara anuarera gu anyanyara. Mase maɔegu mi kulaa i ayi ide ame, Ƴee ɔsɔsɔla mato so. ¹⁴ Asorõ ide iise itore ma, fie ikpi ibara ana iise imi ma. Mase masɔsɔla mma loire sidu i kafɔkade ame fie maɔse katõ i kanɔbebe ame, ne oso Ƴaa sigbarĩ sia ma iso. ¹⁵ Maoyu ori alaso masẽ ori bɔlɔlɔa iso iki. Masiai Ƴaa kanyadidze Balam gɔ nde Boer obi fie ose ɔɔoe kuso gɔ ñafɔ i ikpi ibara ame. ¹⁶ Ƴaa onyagalagu wũ i ñ ikpi iti gɔ ñ mɔmɔ ɔfirimu ɔɔegu wũ ika ku siturilo ɔtindza wũ i ñ alalara wa ɔto ɔbara oso.

¹⁷ Mmagbe se le siwore dze losõ Ƴee adɔɔo wa i ɔwiri teregu okigu. Ne oso Ƴaa ɔledza kakɔi ose ma i iwo gudua ame. ¹⁸ Mase makɔle so kato maye atsue pẽ fie mase masu ma sosina ɔrakolo

makpadzẽ mma nto mafiniki mabõre i ikpi ame mapia i kasola ame. ¹⁹ Mase masosola maturi so maatã ma idji ku owi gɔ ame i ma mɔmɔ de masande matã ikpi. Ira biara ne nto ide oturi iso ne, ñokpese ne osande.

²⁰ Si maturi oki Bosate gu Didze Yesu Kristo itsue ame matere mabõre i kayiiso ara wa nse apukutura ma kore, fie kama ara wamɔ okpese aba aamɔẽ ma aɗe ma iso ne, ma ngbã kawirikõ se inyanyarĩ idjo karõkasekõ. ²¹ Si madaatsue kuira i sibololo ara ibara iso kora ne, tee ile ma idjo so maatsue ngbã ori maledza ikpese i mmara me i Yaa otã kama.

²² Nne loba ma iso ote sekelee so igbã negbe de onukuare so, “Kpekpe okpese okpa ñaɗe ñ kura,” fie “Kparako gɔ mapie ndu okpese okpa ñapie iba.”

3

Mila Miɔnyɔ Bosate Iba Ori

¹ Wũ manyii dɔese, oko nyɔare loto lotsere mi i ngbe ne, fie i sɛ inyɔɔ ame ne, loregẽra mi adzuni i ara sɛɛ ibara iso. ² Lobie so minyigi ara wa i kanyamaɗidze sekelea oɣe mase koko gu Bosate gu Didze mmara me i mi katõmemasedze osu matã mi.

³ Idɛakatõ ne, lobie so mitsue so i owi tsɔra gogbe ame ne, maturi ma i ma sosina ara nto aɗe ma iso fie mase mabara maturi axiãra to maaba. ⁴ Mato maakare mi so, “Ne ngɔ loɣe so oto ñaledza iba ɣee? Alaso ita i owi gɔ owa merẽ okpi iba iabo nome ne, ira biara to ikele le kumego ise ta kayi karõkasekõ.” ⁵ Masẽ so maito

mafɔ maɖe sɔ ta kokooko ne, Ƴaa ɔɣe itɔme fie kato gu karɔ̃ ɔgɔdɛ̃. Karɔ̃ ne, ɔbara kã ɔbɔregu i ndu ame fie ndu iso kaɣe. ⁶ Fie ndu ame ide i Ƴaa ɔsu ɔwɔra ala kayi kuere ne. ⁷ Ƴaa itɔme ame ide lomɔ̃ kato gu karɔ̃ ito ipe i kiniɔ fie ɔledza wã ɔse ɔtã itsuedza ne. ɔledza wã ɔse ɔtã atɔme iɣeyi ne ɔawɔra mma loise manigã wũ.

⁸ Wũ manyii dɔese, loito lobie sɔ miɣara ira ka iwɛ̃! I Bosate anɔ ne, ikpaki kuiwɛ̃ na i ikpene gu ako kakpi ndɛ̃. I ɔ̃ kɔre ne, wã anyɔɔ ne, ira ka iwɛ̃ kere ide. ⁹ I mawɛ̃ kasusu kanya ne, Ƴaa iito ɔpe siwa i nne ɔɣe ɔse iso, ɣee ne, iide ngbo ide. Ƴee ne, ɔto ɔɣara sɔ ɔkɔsɔɔ ɔtã mi alaso ɔito ɔbie sɔ kuwɛ̃ si ɔwɔ, ɣee sɔ ɔbiara si ɔfiniki ɔna idi.

¹⁰ Ƴee Bosate iyi nemo to iaba le kumego i yukukpe se ɔba. Iyi nemo iso ne, kuɔokpo to kuayu ku kulu teteree, fie ara wa mpia i kato to aatsue anina, karɔ̃ ku ira biara ne mpia i kã iso to iayu.

¹¹ Gɔ ara wagbe ɔɖuɖu to aawɔ le ngbe ɔso ne, mme maturi igbã ikote sɔ miade? Ikote sɔ miase ngbã sekelea minigã Ƴaa. ¹² Gɔ misi misia Bosate iyi nemo ne, mipia kube sɔ miatã ne iba mala. Iyi ne i kato aatsue fie kato ara ɔɖuɖu aawenekɛ̃ ala ɔtowiri ɔso. ¹³ Ƴee bosu bosu nne i Ƴaa ɔɣe ɔse go ne nde Kato ɣete gu Karɔ̃ ɣete ngbego i sibololo aawe.

¹⁴ Ne ɔso wũ manyii, go misi misia iyi nemo ne, mipia kube sɔ miase sekelee i Ƴaa anɔ miwe i isobue ame gu wũ. ¹⁵ Misu Bosate iɣaraso le ɔri go ɔtã mi sɔ miana idi. Itɔme negbe ame i bo ɔnyii dɔese Paulo ɔtsere ɔsese mi i inogba ne i

Ƴaa ɔtã wũ kanya ne. ¹⁶ Nnɛgbe idɛ ɔɣɛ i ñ siko ɔduɔdu ame i itõme nɛgbe iso ne. Ara awẽ pia i ñ siko ame gɔ aba ɔle ku karõ inɔ. Wã i maturi mawẽ ma loikpa anɔ fie maiɣɛ teteree to maɔi karõ i mila ame le kumɛgɔ ame mase mafinikira Ƴaa atõme mama. Nnɛgbe nto iawɔra ma ne.

¹⁷ Ƴɛɛ mi wũ maɔɔese ne, ka miɣɛ ara wagbe koko, ne ɔso midzuẽ so so mma loise mabara i mmara iso kurabarara iibapuri mi kuwuĩ i karõ.

¹⁸ Bosate gu Ðidze Yesu Kristo si ɔbualɛ mi so miatsue wũ gbodzoo mibua. Ɔ ɔkpɛ ndɛ ile ita i kinio ito ikɛɛ ɔwi daaro. Si iba ngbɔ.

Ndamu Yεε Siwu
Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 13 Jul 2024 from source files
dated 1 Dec 2020

b5020a1a-c7b9-512a-9b46-1e462be571d4